

Carnaval 01

CU POPO Y SKRIBIDI

ARUBA TIVOLI TA RECONOCE E HUBENTUD CARNAVALESCO

Mas di 20 aña pasa un "Baby-boom" den e miembran di Aruba Tivoli Club a inspira e mayornan (mayoria di nan di edad hoben) pa organisa pa nan yiunan un parada di stroller.

Y ariba un Diadomingo mainta di Carnaval, acompaña pa un brassband chikito, 17 baby den nan stroller, dorna tur na blaas y pusha pa nan orguyoso mayornan, saliendo for di Wilhelmina Park, a dal un rond chikito den "caya grandi" pa despues regresa Tivoli caminda un gran fiesta di Carnaval di mucha a tuma lugar.

Asina e prome Ballonnenoptocht di Aruba Tivoli a cuminsa. Desde e aña ey en adelante e ballonnenoptocht aki a crece den tamaño y a bira un luhoso parada di mucha, carosa y disfraznan masha colorido y masha luhoso.

Hasta tabata worde comenta cu Tivoli a bolbe bek (a la miniatura) den su gloria di su paradanan luhoso di e

añanan sesenta y setenta, tempo cu Tivoli a yega di sali diez aña consecutivo "Group of the Year". Pero tur proceso ta yega y pasa su punto culminante. Durante e añanan cu a transcuri e "Baby-boom" di e ballonnenoptocht a cuminsa bira "teenagers" y ballonnenoptocht a cuminsa sinti e efecto aki tambe. Pues poco poco e grupo (dilanti) di mucha ariba carosa tabata bira menos mientras cu e grupo (patras) di "teenager" nan den nan estilo) bisti cu t-shirt y apoyando nan reinanan, tabata birando mas y mas masal.

Desde algun aña caba e grupo hubenil aki practicamente tabata domina e "Ballonnenoptocht".

E proceso aki a haci cu Tivoli Club mester a reconoce e "muchanan" di e edad aki cu francamento, excepto e apoyo masal cu nan ta duna nan reina den stadion, no tin un lugar bon reconoci pa nan den nos carnaval.

Nos mester corda cu nan tambe te futuro di nos Carnaval.

PROME PARADA HUBENIL

Pa e motibonan ariba menciona, Aruba Tivoli Club, pa medio di su reina Emily Arends y su reina hubenil Aisette Rivera ta invita tur Reina y Reina hubenil di Carnaval 2000 (saliente) y tur reina yr eina hubenil di carnaval 2001, pa joinnan den e (prome) parada hubenil, cual evento lo reemplaza e ballonnenoptocht di Tivoli.

Pa un reina por participa a e parada aki e mester por identifica su (cu sjerp y corona) cu e ta reina di su organisacion. E lo ricibi tickets pa refresco gratis y su fansnan mester ta reconocible (t-shirt).


RUTA PA E PARADA DI TIVOLI

Pa e parada aki tambe nos prins cu pancho hubenil y grandi (2001) ta keda cordialmente invita. E (prome) parada hubenil aki lo tuma lugar Diadomingo awor y lo sali 11'or di mainta na e cruzada den Caya Betico Croes dilanti Marathon Elctronics. E parada lo tuma direccion Vondellaan pero lo bira rechts dilanti Banco di Caribe drenta Wilhelminastraat y lo tuma henter e caya aki te den Havenstraat, terminando asina tras Royal Plaza ariba e parkeerplaats tras di e parkeerplaats di e station di Arubus.



ARUBA BON-BINI CU CARNAVAL 2001

Universal Uphostery Supplies
Savaneta 538 Tel: 847279, Fax: 844242
Organza, Lamé, Paillette, Animal prints, Velvet, Foam,
Fiber, Velcro, Lijm, Accesorios, Adornos.



Refresca tur momento!

PROSALCO N.V.
Olijfstraat 23-A
Tel: 826432 Fax: 826964

SCHEDULE CARNAVALESCO

DIABIERNA 2 FEBRUARI

Eleccion Reina Infantil. Hubenil y Reina grandi pa e distrito di Dakota

Yubu Happening na San Nicolas pa 8'or di anochi.

DIASABRA 3 DI FEBRUARI

Calypso y Roadmarch Contest di mucha na Joe Laveist Sportpark.

DIADOMINGO 4 FEBRUARI

Parada di blaas di Aruba Tivoli Club na Oranjestad cuminzando pa 11'or dimainta

Prince & Princess Costume Festival den Cas di Cultura pa 4'or p.m.

Tumba infantil den Don Elias Mansur Ballpark pa 7'or di anochi.

DIAMARS 6 FEBRUARI

Jump up na Paradera

DIABIERNA 9 FEBRUARI

Eleccion di Reina infantil den Don Elias Mansur Ballpark pa 7'or di anochi.

DIASABRA 10 FEBRUARI

Cocoyoco Yam na Noord pa 4'or di mainta

Lighting Parade na San Nicolas pa 8'or di anochi.

DIADOMINGO 11 FEBRUARI

Traspaso di mando pa Promer Minister na Prins cu Pancho di Carnaval na Parlamento pa 10'or di mainta.

Parada di mucha na San Nicolas cuminzando pa 2'or p.m.

DIAMARS 13 FEBRUARI

Jump up na Dakota pa 7:30 p.m.

DIAHUEBS 15 DI FEBRUARI

Hebbe Hebbe Happening dilanti Manuelitos Place

DIABIERNA 16 FEBRUARI

Parada di school di Dakota pa 4'or di atardi

Eleccion di Reina Juvenil den Don Elias Mansur Ballpark

DIASABRA 17 FEBRUARI

Parada di carnaval di mucha na Noord

Lighting Parade di Aruba Tivoli Club na Oranjestad

DIADOMINGO 18 FEBRUARI

Parada di mucha na Oranjestad pa 2'or p.m.

DIAMARS 20 DI FEBRUARI

Jump up na Calabas

DIARANZON 21 FEBRUARI

Hepa Happening na San Nicolas

DIAHUEBS 22 FEBRUARI

Eleccion di Reina grandi den Don Elias Mansur Ballpark

DIABIERNA 23 FEBRUARI

Jump up escolar

DIASABRA 24 FEBRUARI

Jouvert Morning & Pyjama Parade na San Nicolas pa 4'or di mainta.

Parada di Carnaval grandi na San Nicolas

DIADOMINGO 25 FEBRUARI

Parada di carnaval grandi na Oranjestad

DIALUNA 26 FEBRUARI

Kimamento di Momito na San Nicolas

DIAMARS 27 FEBRUARI

Kimamento di Momo na Oranjestad